

欽定國史大臣列傳

卷一百

欽定國史大臣列傳卷一百

錫 珍

宗奎潤

嵩 申



翰林學士

文獻閣待制十二月四日轉翰林學士

廿七日翰林學士


翰林學士十月五日翰林學士

翰林學士十月五日翰林學士

翰林學士十月五日翰林學士

翰林學士十月五日翰林學士

翰林學士



錫珍列傳

錫珍額爾德特氏蒙古鑲黃旗人曾祖和
瑛刑部尚書祖壁昌兩江總督均自有傳
錫珍由三品廕生同治七年進士改翰林
院庶吉士十年散館授編修十一年二月
升侍講六月奏辦院事充
文淵閣校理十二年四月轉侍讀六月升侍
講學士充

日講起居注官十三年正月充

咸安宮總裁十二月轉侍讀學士光緒元年

四月

大考翰詹列二等

賞江紬袍料七月充山東鄉試正考官二年五

月轉詹事府少詹事十二月升詹事三年

遷通政使司通政使四年遷都察院左副

都御史五年正月坐

京察保列一等之御史被劾降一級畱任旋
升理藩院右侍郎二月調工部右侍郎兼
管錢法堂事務七月授正黃旗漢軍副都
統八月兼署兵部右侍郎十一月調刑部
右侍郎十二月管理右翼幼官學事務六
年三月兼署吏部左侍郎八月兼署鑲白
旗漢軍副都統九月兼署工部右侍郎十
二月調戶部右侍郎兼管錢法堂事務七

年二月。署正白旗護軍統領。三月。調鑲紅
旗滿洲副都統。十月。調吏部右侍郎。坐戶
部侍郎任內失察正紅旗章京冒領卹賞
降二級。畱任。旋抵銷。八年正月。兼署兵部
右侍郎。四月。調鑲黃旗滿洲副都統。五月。
署戶部右侍郎。兼管錢法堂事務。錫珍以
八旗學校廢弛。疏請整頓。略云。圖治首在
用人。而作人必自學校。

祖

宗深思指臂之難。廣設八旗官學。加意訓迪。使之
共底於成。二百餘年。人材輩出。降至今日。
百不逮一。竊維八旗生齒之繁。與

朝廷振拔之亟。非減於昔。而今不如昔者。其
故有二。一曰學校不修。八旗官學。建自

國初。選學生。設教習。給膏火。予升階。訓課精
嚴。法良意美。今則奉行故事。百弊叢生。各

金定國史九日... 卷二
旗學舍傾圮殆盡。教習僅備員額。不聞授
受生徒。其挑選學生。強半假冒。

國家造士美意。幾等於告朔餼羊一也。一曰
仕途太廣。八旗仕進之途。本寬於漢員數
倍。寬則循歷階資。計日可待。卽如捐納筆
帖式。入資無多。何難措辦。往往年未及冠。
卽出當差。從此束書不觀。而異日之保送。

御史游列

京察內則京堂外則道府率由此出二也夫
前言往行非書無以傳不學則立身何所
式文物典章非書無以識不學則掌故何
由知卽簿書彙案為服官所必需不學則
何以解於心而出於手一旦治煩理劇京
官則恃有書吏外官則恃有幕友彼方日
坐堂皇自謂可收羣策羣力之助不知官
聲之壞弊端之叢盡出於書吏幕友之手

臣恐學日廢教日衰異時更有求如今日
而不可得者苟非盡除積弊力戒因循不
能獲真才而收實效今欲實事求是莫先
於修復學舍慎選教習甄別學生然後取
舊時之規模斟酌損益實力奉行使教者
真教學者真學為清源正本之始基再於
旗員筮仕之初明定章程嚴加考覈除由
考試得官外其餘但就文職皆令考於官

學務須文理清通。方許服官。否則仍令學習數年。再請面試。庶弊漸除。才漸出。吏治可期。蒸蒸日上。查八旗官學。向歸國子監管理。從前之廢弛。未必不因耳目難周。不能兼顧。今議重修。事同創始。凡興工籌款用人。定章諸大端。斷非監臣所能獨任。請於在京之進士出身滿漢大員。簡派每旗一人。為管學專員。將一切整頓規模。

命與會同吏部國子監堂官悉心妥議奏明舉
辦斯培養人材之初基亦卽澄敘官方之
命赴切務疏入

上遣之六月署倉場侍郎九年三月兼署刑部
右侍郎四月保薦己革侍郎宗室寶廷才
尚有為請棄瑕錄用湖北荆宜施道于蔭
霖請改用京秩使朝夕獻納克盡所長
上以所請非是傳旨申飭六月轉左侍郎九月

調倉場侍郎十年五月升都察院左都御
史閏五月充總理各國事務衙門大臣八
月遷刑部尚書授鑲白旗漢軍都統管理
戶部三庫事務九月管理左翼幼官學事
務十一年三月命往天津與法國使臣換約六月以臺灣道劉
璈被劾命馳赴福建會同巡撫衛榮光查辦得實論如

金定國史九日五傳
卷三
諒律十二年正月調鑲白旗滿洲都統二月
調吏部尚書三月充會試正考官七月充
諒崇文門正監督八月以錫珍四十生辰

賜銅佛如意文綺珍玩十月充會典館副總裁
十三年二月丁母憂五月百日孝滿十二

章月充

經筵講官十四年兼署鑲紅旗蒙古都統十五
年二月議覆御史屠仁守處分

嚴旨詰責。下都察院議革職。

加恩改為革職畱任。尋以

覃恩開復。三月兼署鑲黃旗漢軍都統。錫珍自

升任侍郎後。歷充

殿試讀卷官二次。

朝考閱卷大臣一次。鄉會試覆試閱卷大臣

四次。庶吉士散館閱卷大臣二次。拔貢

朝考閱卷大臣一次。六月因病乞假。八月陳

請開缺再

賞假一月。九月卒。遺疏入。

諭曰。吏部尚書錫珍。持躬端謹。學問優長。由翰林洊陟卿貳。疊掌文衡。補授刑部尚書。調任吏部尚書。派充總理各國事務衙門大臣。克勤厥職。前因患病。疊次賞假。該尚書年力正強。方冀調理就痊。長資倚畀。茲聞溘逝。軫惜殊深。加恩著賞給陀羅經被。派奉恩輔國公

載澤帶領侍衛十員。卽日前往奠醊。照尚書
例賜卹。並著賞銀五百兩。由廣儲司給發。經
理喪事任內一切處分。悉予開復。應得卹典。
該衙門察例具奏。伊子仲燾著以員外郎用。
以示篤念。蓋臣至意。尋

賜祭葬。子仲燾
恩賞員外郎。

諭開

庚

大中六年六月

大考三署判讞於六月

中元五月

翰對讞於五月二日

同於二年並士為餘林

宗室奎斷玉蓋

宗室奎斷民

宗室奎潤列傳

宗室奎潤正藍旗人和碩豫通親王裔孫同治二年進士改翰林院庶吉士四年散館授編修五年二月升詹事府左春坊左中允五月

大考三等降編修九月仍補詹事府左春坊左中允六年九月遷翰林院侍講十一月充

日講起居注官。九年三月轉侍讀。閏十月升侍講學士。十二年轉侍讀學士。十三年擢詹事府詹事。光緒元年二月遷大理寺卿。六月充浙江鄉試正考官。十二月授都察院左副都御史。四年五月擢禮部左侍郎。十一月授鑲白旗蒙古副都統。十二月充經筵講官。五年五月調兵部左侍郎。八月兼署吏部右侍郎。十一月兼署戶部左侍郎。兼

管三庫事務。六年正月充會試知貢舉。十月遷吏部右侍郎。十一月調正白旗滿洲副都統。七年二月兼署正紅旗護軍統領。十月轉左侍郎。八年兼署鑲黃旗護軍統領。九年三月兼署戶部右侍郎兼管錢法堂事務。四月充左翼監督。六月以戶部司員書吏收受雲南報銷津貼銀兩事覺坐失察降二級調用。十月補內閣學士兼禮

部侍郎銜十一月授吏部右侍郎十年三月轉左侍郎時法蘭西構釁越南奎潤密疏以敵人窺伺藩封宜伸捷伐並請整頓天津防務八月擢都察院左都御史十一年八月充順天鄉試副考官十二年正月授鑲黃旗漢軍都統以漢軍礮營廢弛疏請每月會同槍礮兩營合操以資精熟並請給礮手津貼銀兩以策勵之又言武成

永固礮位。年久未演。擬於每年小雪後。各旗出運二尊。在盧溝河灘演練。仍歸各旗專操。大臣督率。以符定制。

上。避之。悉得施行。九月。兼署鑲黃旗蒙古都統。

會

畿輔水災。偕同官會奏。乞撥米石。令五城平糶。

糶

從之。十三年二月。授禮部尚書。三月。充會典館

副總裁。四月兼署正白旗滿洲都統。旋補進領侍衛內大臣。班十四年二月兼署鑲黃旗蒙古都統。九月禮部於

皇大婚告祭典禮日期繕寫錯誤。

懿旨切責。下部議堂司各官處分奎潤。坐降四級。畱任。尋充

大婚禮納采正使。奉迎

皇后副使。時北洋通商大臣直隸總督李鴻章

皇以議於天津開辦鐵路以達通州奎潤與九
大然卿講官等二十三人奏言津通將辦鐵路

躡定地段民間廬墓遷徙生業漸失人情
惶懼竊聞津通百姓赴訴於直隸總督者
不下二三百起該督以奏定之事不肯據
情入告上年大沽等處開辦鐵路民間紛
紛遷墓其無主之墳不辨族姓不分男女
合為叢冢且多暴露行路靡不酸心然此

猶海濱寥闊之區。非若津通一帶。居民輻

輳也。恭讀

聖祖仁皇帝巡視河工臨淄淮套

諭曰。所立標杆。多有在墳墓上者。若依標杆開河。不獨壞民田廬。甚至毀民墳冢。朕惟恐一夫不獲其所。時存己飢己溺之心。何忍發此無數枯

骨。

皇太后

皇上以

聖祖之心為心。若親見民間遷墓哀慟情形。必將

斷其立予

宸斷。特恐中外臣工。不以實情入告耳。自輪船通

行江海。舟車已多失業。見在津通之民。以

車為生者約一萬人。以船為生者約三萬

人。以行店負販為生者約二萬人。鐵路若
行之後。此輩作何安置。將使埠頭運貨。則

一隅之地所需人力無多將使分運鄉村
則偏僻之區所用車輛有幾弱者轉於溝
壑强者散於四方似此慘苦情形亦豈

聖明之本願

列聖家法事事鑒前明之失前明因兵餉不給裁
減驛卒而若輩飢寒失業起而為盜我

列祖

列宗引為鑒誠莫不以固結民心培養民命為根

本要圖今鐵路一成津通失業之民飢寒
切身雖

累朝之深仁厚澤久洽人心然民情良莠不一咸
豐十年英人犯順卽募潮勇以為先驅此
足為前車之鑒若輦下居民鋌而走險尤
可深慮夫此舟車失業之窮民皆

國家安分守法之赤子也拊循之不暇奈何
反絕小民衣食之源使不得遂其生哉且

中國自強之道。與外洋異。外洋以商務為
國本。中國以民生為國本。外洋之自強在
天。春至。經商。中國之自強在愛民。外洋民數少。故
用機器。而猶召募華工。以補人力之不足。
中國民數繁。故不用機器。窮民猶以謀生
無路。而多出洋之人。中外情形不同。灼然
上天。故可見。伏願

皇太后

皇上祇承

上天好生之大德仰體

列聖經邦之本計俯念下民生計之艱難遠鑒前
代廢興之往事將津通鐵路停止以順民
心而迓西轡

天眷至於中外建言之人多以鐵路為請未嘗非
深為邊患力圖自強之意其所陳說調兵
調餉運貨運煤諸利臣等參之眾論言其

金定國史大目列傳 卷三
利者實罕。言其弊者實多。竊謂事關

國本民心。即使利多弊少。亦當停止。况此事
利壅於下。怨歸於上。從古未有爭什一之
利。而叢怨於民。以為自強者也。疏入

命北洋大臣議覆十五年正月

皇上下婚禮成

詔開復處分八月兼署理藩院尚書會

祈年殿災奎潤兼管太常寺事坐疏於防護下部

中興 察議以降二級准抵銷例請得

旨改降一級畱任旋署鑲白旗滿洲都統十月
賜紫禁城騎馬奎潤自光緒二年以來貢士

命殿試進士

朝考拔貢優貢

朝考庶吉士散館舉人貢士覆試及考試試
差漢御史廕生孝廉方正先後充讀卷官
閱卷大臣凡十有八次十六年卒遺疏入

諭曰禮部尚書奎潤練達勤慎學問優長由翰林洊陟卿貳疊掌文衡旋經補授尚書宣力有年克稱厥職前因患病賞假調理茲聞溘逝軫惜殊深加恩賞給陀羅經被派貝勒載澍帶領侍衛十員卽日前往奠醊照尚書例賜卹並著賞銀五百兩由廣儲司給發經理喪事任內一切處分悉予開復應得卹典該衙門察例具奏伊子筆帖式寶銘著俟服闋

後以員外郎補用。用示篤念蓋臣至意。尋
賜祭葬。子寶銘進士。理藩院員外郎。

顯卹並著賞銀五百兩由

齒帶餘於潛十員唱日前

並傳部表彩以恩賞

首平文蘇鳳輝節國

林孫趙嚶春魯掌文

節曰鄂潞尚書全概

賞蕭英。時大平中。左或士。...

蕭英。...

餽。...

言以文。...

申由一品。...

所直。...

嵩申宗。...

嵩申民。...



嵩申列傳

嵩申完顏氏滿洲鑲黃旗人祖麟慶河南河道總督父崇實刑部尚書均自有傳嵩申由一品廕生於同治四年奉

旨以文職用籤分太僕寺員外郎五年在天津捐輸礮位以郎中用分戶部六年直隸軍需總局捐輸礮位

賞戴花翎七年中式進士改翰林院庶吉士十年

散館授檢討十一年襄辦

大婚禮成加侍講銜十二年四月升侍講閏六月

充

命國史館協修十一月充功臣館纂修十二月

充

文淵閣校理十三年四月充奏辦院事功臣

館提調十月因捐修

圓明園工程加四品銜光緒元年三月充

實錄館纂修。八月。轉侍讀。十二月。充

日講起居注官。二年。

京察一等。四月。充

咸安宮總裁。五月。

命在批本處行走。閏六月。充分教習庶吉士。七

月。升侍講學士。八月。充順天鄉試同考官。

十月。丁父憂。三年。九月。恭修

穆宗毅皇帝實錄全書過半。得

旨遇有應升缺出開列在前四年正月丁母憂

十月充

實錄館提調五年

實錄

聖訓慶成加二品銜並隨帶加三級六年九月恭

送

實錄

聖訓尊藏

望脩 盛京下部議敘。七年二月擢詹事府少詹事。
賈綬 三月升光祿寺卿。八年二月授內閣學士。
兼禮部侍郎銜。十二月充

望脩 文淵閣直閣事。九年正月授正白旗漢軍副

賈綬 都統。二月授禮部右侍郎。充專操大臣。七

賈綬 月授總管內務府大臣。十一月調戶部右

侍郎兼管錢法堂事務。十二月充管理溝

官數 渠河道大臣。十年三月調鑲藍旗滿洲副

都統五月奏籌雲南礦務請飭及時開採
如所議行尋兼署工部右侍郎兼管錢法
堂事務閏五月轉戶部左侍郎兼管三庫
事務又兼署工部左侍郎十月恭逢

慈禧端佑康頤昭豫莊誠皇太后五旬萬壽欽奉
懿旨交部優敘十二月以籌畫軍餉遵

懿旨會同軍機大臣等議上開源節流各十二條

均奉

懿旨次第施行。十一月。御史劉恩溥奏清釐民欠。請妥議章程。並官欠民欠。那移飛灑壓閣。騰黃等弊。疏下戶部議。十二月。嵩申偕大學士管理戶部事務。閻敬銘等覆奏。請敕下各直省督撫。自光緒十二年。下忙收數截止日為始。一律飭造民欠徵信冊。並酌擬章程十條。疏入得。

旨通諭各省遵行。十二年二月。調正白旗滿洲

副都統三月充會試副考官六月欽奉
懿旨見在錢法亟應整頓宜如何籌辦銅斤加鑪
鼓鑄以期漸復舊制之處著軍機大臣會同戶
部工部堂官妥議具奏七月嵩申隨同奏請以
三年為期徐圖規復先令直隸江蘇各督
撫添購機器製造制錢並飭例應鼓鑄制
錢各省一體趕緊開鑪鑄造如所請行十
一月又偕閻敬銘等奏稱機器製造錢文

工本過鉅。京局開鑪。恐滋市廛疑慮。請於
濱臨江海各省。應解京餉內。酌易制錢。解
存天津備用。欽奉。

懿旨。戶部為錢法總匯。自應督催各省。認真籌辦。
乃時閱半年。輒信外省督撫卸責之詞。互相推
諉。為此敷衍搪塞之計。近來籌畫度支。如開採
銅鐵等礦。本為天地自然之利。各該督撫以事
多窒礙。一奏塞責。中外泄沓成風。於因時制宜。

金定國史大綱卷之二
變通盡利之至計。並不盡心籌畫。實力舉行。更
思藉端嘗試。豫為異日諉卸地步。此等積習。深
堪痛恨。總之舊制必宜規復。錢法亟應整頓。前
經疊次訓諭。乃該堂官不能仰體朝廷裕國便
民之意。飾詞延宕。實屬大負委任。戶部堂官均
著交部嚴加議處。原摺單擲還。仍著將開鑪鼓
鑄各事宜。迅速另行籌議具奏。限於一年內一
體辦理就緒。毋再遲延干咎。尋奏言。伏查上年

七月間。臣部遵奉。上諭旨。會議整頓錢法。摺內聲明。規復舊制。請以三
年為期。等因。當經奏准。通行在案。隨經疊
次電咨。出使日本大臣。續購銅。甄銅板。各
一百五十萬斤。奏明。由江蘇。浙江。等省撥
給價銀。匯往日本。應用。其應配黑白鉛斤。
據稱。並非日本所產。臣部即經行查。直隸
江蘇。督撫。查明天津。上海。鉛斤市價。能否

金定國史大目列傳 卷三
一時採購若干。並飛咨貴州巡撫。查明鉛
礦如何籌辦。開採於上年七月。八月。十一
月間。分別咨催。亦在案。嗣因機器製錢一
節。日久未據直隸。江蘇。各督撫查覆。疊經
催令趕籌妥議。奏明辦理。復因寶泉局各
廠鑪座。亟應修理。奏令該局暫緩鼓鑄大
錢。並令崇文門搭收錢文。按月解部以資
搭放。此籌辦銅鉛各事之大略也。十二月

間始據直隸江蘇各督撫將機器製造工
本過虧實不合算定器建廠需延時日未
敢率辦等情先後咨覆到部臣等查覈所
覆各節種種為難深恐或有貽誤遂以仍
由京局鼓鑄制錢酌提各省錢文解津備
用為請未及將開鑪鼓鑄各事另行切實

陳明重煩

聖慈訓飭實屬咎無可辭見謹遵奉

嚴旨將開鑪鼓鑄各事宜另行詳細通籌臚陳四

條恭呈

慈覽至機器製錢一節雖據該督撫咨稱虧折過
聞強日甚仍應請

旨飭下該督撫另委妥員詳加考訂再行籌議限
於一月內覆奏不得以一奏塞責至各省
例應鼓鑄制錢及開採銅鉛等礦應由臣
部再行申明上年七月奏案飛催各該督

撫盡心籌畫迅速辦理務期力加振作以

仰副

皇太后因時制宜裕

言濟國便民之至意疏入報

聞越日吏部議上欽奉

懿旨嵩申應得革職處分著加恩改為革職畱任

十三年三月充左翼監督十月

命管理御烏槍處事務十二月欽奉

懿旨著加恩開復革職畱任處分十四年二月充
管理新舊營房大臣五月議覆直隸總督
奏省津各局續鑄制錢解京請撥銅鉛並
工費銀兩又奏請將工部寶源局鑄出制
錢提解部庫搭放兵餉均如議行八月兼
署理藩院左侍郎十一月升理藩院尚書
十五年正月尚書蘇察哈爾
皇上大婚禮成欽奉平定

懿旨賞加太子少保銜。尋授鑲白旗漢軍都統。三
月。兼署工部尚書。稽察內七倉。八月。充順
天鄉試副考官。九月。調刑部尚書。充會典
館副總裁。十二月。充管理溝渠河道大臣。
十六年四月。充教習庶吉士。七月。充崇文
門副監督。八月。嵩申五十生辰。

賜福壽字等件。九月。充武會試監射大臣。十月。
賜紫禁城騎馬。十七年十月。充武鄉試監射大

欽定國史大目列傳
卷三
臣嵩申自升侍郎以來。歷充順天及各直
門省鄉試覆試閱卷大臣四次。貢士覆試閱
事卷大臣三次。

殿試讀卷官。新進士由蘇翰長合試。
朝考閱卷大臣各二次。考試漢軍中書考試
試差閱卷大臣各一次。十一月卒。遺疏入
諭曰。刑部尚書嵩申。持躬恪慎。辦事勤能。由翰
林洊擢正卿。疊掌文衡。補授總管內務府大

臣克盡厥職。前因患病。賞假調理。方冀迅速。就痊。長承恩眷。茲聞溘逝。悼惜殊深。加恩追贈太子太保銜。賞給陀羅經被。派員勒載。濂帶領侍衛十員。卽日前往奠醊。照尚書例。賜卹。並著賞銀五百兩。由廣儲司給發。經理喪事。任內一切處分。悉予開復。應得卹典。該衙門察例具奏。伊子一品廕生志賢。賞給郎中。俟及歲時。分部學習行走。用示篤念。蓋臣至

意尋

賜祭葬

予諡文恪

